



GE-mi ilaasortanut Inatsisitigut siunnersorneqarneq

Inatsisitigut siunnersorneqarnissamik pisariaqartitsivit?

GE-mi ilaasortat, sulisoqarput pitsaasunik, suliffeqarfiup ajornartorsiutaasinnaasut tamanga-jaasa aaqqissinnaavaat, suliffeqarfiup ulluinnarni naapissinnaasaai eqqarsaatigalugit. Kisianni ilaatigut suliffeqarfiit ajornartoorutaasinnaasut immikkuullarissut naapittarpaat, taa-maappallu pisariaqarsinnaalluni avataaniit inatsisitigut ikiorserneqarnissaq.

GE-p inatsisilerituui piginnaasanik nukittuumik aammalu misilittakkanik annertuunik namminneerlutik peqareerput, ukua qulequttat sisamat annertut eqqarsaatigalugit, tassanilu suliffeqarfiit arlalissuit apequtigisartagaat inatsisitigut siunnersorneqarnissamik ukuullutik:

1. Suliarinnittussarsiuussinermi inatsisit (ass. suliarinnittussarsiuussinermi pappiliartaanni takussutissat, neqeroortitsinermi inatsit, AP95) Udbudsret
2. Sulisoqarnermut inatsit (ass. isumaqatigiissutit, feriersinnaanermut inatsit, meerartaanermut atatillugu sulinngiffeqarsinnaanerit)
3. Suliffeqarfinnik pilersitsinerit aammalu nalunaarsorneri (ass. piginneqatigiissutit aktie-teqarnermik aallaavillit aammalu piginneqatigiilluni ingerlatsivimmut inatsit,
4. Nittarsaassinermut-, unammillernermut- aammalu pisiarinnissinnaanermut inatsit (ass. ussassaarutit, neqeroorutinut, niiveqatigiinnermi isorisassanut tunngatillugu)

Taassumap avataatigut GE-mi inatsisilerituut soorunami inatsisinut tunngasut allarpassuit suliarisarpaat, akileraartarnermut tunngasuniit inuussutissaqarnermut nakkutilliinermut tunngasunut. Allattoqarfiup nammineerlutik akissuteqarfigisinnaanngissagaluarpassuk, taava nalussannginnguatsiarpaat kina attavigissallugu. Taamaattumik GE-mi ilaasortat qaquguk-kulluunniit attaveqarnissaminnut tikilluaqqusaapput – sunaluunniit pineqaraluarpat.

Ukunani tulluuttuni saqqummiunneqassapput GE-mi inatsisilerituut suliarisartagaat ukunuunatigut pingaarnertut suliani.

Inatsisitigut suliat allat

GE-mi ilaasortanik siunnersuinerup avataatigut taava inatsisilerituut aamma allarpaalunnik suliaqartarput, taakkualu GE-mi ilaasortanut naligninnaasumik sullissinerup saniatigut tamagiinnut soqutigisat aallaavigalugit sullissilluta. Soorlu ilaatigut makku:

- Tusarniutitut tunngatillugu akissuteqaasiornerit inatsisinut siunnersuutini, nalunaarutinut aammalu nalunaajaatinut – Isumaqatigiinniarnermi isumaqatigiissutit
- Inatsisitigut tunngasunik angerlaatigaluni ataatsimiinnernik aaqqissuussinerit
- Ilaasortat sulisuinik atuartitsinerit
- AP 95-mut tunngatillugu pikkorissaanissamik neqeroornerit assigisaallu

Suliat nammineq qaqitat aammalu suliat tunngaviusumik pingaarutillit

GE-mi inatsisilerituut qaqortigorujuusuaq suliat nammineerlutik qaqittarpaat. Illuatungaati-gullu naatsorsuutigineqarsinnaanngilaq GE-p Kalaallit Nunaanni pisut tamaasa nalussann-gikkaat aammalu suliat tamaqqissaasa nakkutigisinnaagaat. Taamaattumik pisariaqarpoq allattoqarfimmut saaffiginnittoqarnissaa, GE-p suliaq aaliangersimasoq iliuuseqarfigissap-pagu.

Taamaattoqartillugu manna pingaaruteqarpoq oqaatigissallugu, GE-p inatsisilerituunit siunnersorneqarniaraanni taava sumut tunngaqqissaartumik siunnersorneqarnermik pisariaqartitsinerup oqaatiginissaa. Taava pappilissatigut suliaassanut tunngasunik nassiussisoqartillugu, taava sunaqqissaq nassiunneqartumi ajornartorsiutaanersoq GE-p inatsisilerituunit siunnersortikkusuffiginerlugu taanissaa.

Pappilissatigut tunngasunik nassiusseqqinnermi GE-mut sumilluunniit annerusumik allan-neqarsimanngittumik nassiussinermi, taava taakkua GE-mi ilaasortap ilisimatitsissutaatut isigineqassapput. Minnerunngitsumik piffissamik atuinissaq eqqarsaatigalugu, taava GE qaqutigukkuinnaq ilaasortaq sinnerlugu eqqartuussinermi sinniisuusinnaasarpog. Taa-maasiortoqarsinnaasarpog suliani pingaarutilinni, tamannalu ilaasortanut arlalissuarnut pingaarutilimmik kinguneqassappat.

Allattoqarfiup nalilertarpaa suliaq pingaarutilittut isigineqarsinnaanersoq. Taamaattoqarpallu taava GE-mi siulersuisuunernut tamanna saqqummiunneqassaaq, taakkualu kingornatigut aaliangertarpaat, suliami GE eqqartuussivikkut ingerlatsinermi ingerlatsisuussanersut.

Allattoqarfimmit suliakkiussamut tunngatillugu itigartitsisoqarsimappat, taava taamatut aali-angersimaneq GE-mi siulersuisunut saqqummiunneqarsinnaavoq, taakkualu kingornatigut aaliangissavaat GE eqqartuussinermut ingerlatsinermi peqataassanersoq.

Suliarinnittussarsiuussinissamut inatsit

Suliarinnittussarsiuussinermi atortussat

GE-mi ilaasortap nalornissutigippagu, qanoq suliarinnittussarsiuussineq paasissanerlugu, taava GE-mi inatsisilerituut atortussat ilaasa sutigut ersernerluttuunersut misissussallugu. Piffissaq eqqarsaatigalugu tamanna periarfissaappat, taava GE-p suliarinnittussarsiuussisoq attavigisinnaavaa suliarinnittussarsiuussisumut manna paasiniarlugu imaluunniit suliarinnittussarsiuussinernup suliaassartaasa ersarissarnissaat pillugu. Taamaattumillu GE-mi inatsisilerituut piaartumik attavigineqarnissaat kissaatigalugu suliani ersernerluttuni imaluun-niit suliaassani ippinnartoqarpat, taamaasiornikkut suliarinnittussarsiuussinernit neqeroortitsi-soqannginnerani pitsanngorsarneqarsinnaaqqullugit. Ajornartuaannarpormi allanngortitsi-nissaq neqeroorut tunniunneqareersimappat.

Neqerooruteqarnerit aammalu isumagatigiissutinik tunniussinernit

GE-mi ilaartaq isumaqaruni, suliarinnittussarsiuussinermi piumasaqaatit naammassineqar-simanngippata soorlu suliarinnittussarsiuussinermi imarisaanut tunngasuni, neqeroortitsi-nermi inatsit imaluunniit AP 95-imut tunngasuni, taava GE-mi inatsisilerituut attavigineqar-sinnaapput taakkununga naliliisitsiniarluni suliamut tunngasumut. Nassiunneqarpat sulias-sanut tunngasortaa, taava ersarissarneqassaaq, sukkut suliaassartaani malitassanik malin-nittoqannginnersoq.

Suliassaq Sularinnittussarsiuussinermi maalaartarfimmut imaluunniit eqqartuussivinnut suliassanngortinneqassanersoq, taava tamanna tamatigut suliassap nalilersorneqartar-nissaa pisariaqarpoq. GE-mi inatsisilerituut suliamik nalilersuinissamut sullisserusuttarput, kisiannili una eqqumaffigineqassaaq suliffeqarfimmit, suliap ingerlaasianut aalleqqutigineqarsinnaasut illuatungeriit tamarmik pigimmassuk.

Ilaasortalli nammineerluni eqqartuussisorisumut attaveqarsimappat, taava GE taamaak-kallartillugu suliavit tunuarterpoq.

Isumaqatigiissutini aammalu sularinnittussarsiuussiinermi tunngasuni paasinninneq

Isumaqatigiissuteqareernerup nalaani ajornartorsiuteqassappat, taava GE-p inatsisilerituui attavigineqarsinnaapput, isumaqatigiissutip nalilersorneqarnissaanut tunngatillugu, taakkualu nalilissavaat isumaqatigiissutip, AP 95-ip imaluunniit assigisaat malitassat malinneqarnersut pillugit. Sanaartornermut tunngasuni taava GE periarfissaqarpoq Dansk Byggeri attavigisinnaallugu, taakkunungalu suliav sukumiinerusumik nalilertillugu.

Ilaasortat marluk akunnerminni isumaqatigiinngissuteqarpata, Sulisitsisut attaveqarfigineqarsinnaapput Sulisitsisuni inatsisilerituut isumaqatigiinngissummut isumaqatigiissitsiniarnissaannut. Taamaalilluni suliav sukkasuumik illuatungeriissullu aningaasartuuteqannginneranni aqqinneqarsinnaavoq.

Sulisogarnermut inatsisit

Isumaqatigiissutini paasinneriaaseq

GE-p inatsisilerituui soorunami piareersimapput apeqqutini GE-mi isumaqatigiissutaasut pillugit akissuteqarnissami, ass. kikkut pineqarpat, imarisaai aammalu naliginnaasumik qanoq naliginnaasumik apeqqut paasisariaqarnersoq.

GE-mut isumaqatigiinniarnermi illuatungiusutut aamma pisariaqarpoq, ilaasortat ilisimatit-sissutigissagaat, isumaqatigiissutaasut ippinnaateqarpata imaluunniit aaliangersakkat ajornarluinnartumik isikkoarpata.

Inatsisinik paasinninneq

Inatsiseqarpoq sulisitsisup avaqqussinnaanngisaannik, ass. feriarnermut aammalu meerartaarsimalluni sulinngiffeqarsinnaanermut inatsisini malitassat. GE-mi ilaasortaq nalornissuteqaruni inatsisip sinaakkutaanut tunngatillugu imaluunniit inatsisit ataasiakkaat qanoq paasissanerlugit, taava GE-mi inatsisilerituut soorunami attavigineqarsinnaapput.

Atorfinitsitsinerit aammalu soraarsitsinerit

Atorfinitsitsinernut imaluunniit soraarsitsinernut tunngatillugu, taava ass. apeqqutit makkua takkussinnaasarput, isumaqatigiissutip qanoq allaqqanera aammalu imarisaai imaluunniit soraarsitsinissamut piffissap sivilissusia aammalu soraarsitsinissap imarisassaai. Taamaat-toqartillugu taava GE-mi nittartartakkut ikiorsiissutini najoqqutassanik aallertoqarsinnaavoq atorfininnermut isumaqatigiissutit il.il. imaluunniit GE-mi inatsisilerituunut saaffigininnikkut.

Ilinniartitaaneg

Ilaasortaq immikkut isumaqatigiissuteqarpat, pineqartunut tamanut imaluunniit sulisunik arlariinnik peqataasinnaasunik "katersinikkut" taava sulinnermut inatsisit pillugit pikkoris-saasoqarsinnaavoq aammalu tamanna iluaqutaasumik ingerlanneqassappat, taava GE-mi

inatsisilerituut pikkorissaanissamut imarisassaanik program-iliorsinnaavoq sulisunut pineqartunut.

Suliffeqarfimmik pilersitsineq aammalu nalunaarsuineq

Suliffeqarfiup aallartinneqara

Suliffeqarfik ilaasortaaguni – ilaasortatut – Kalaallit Nunaanni suliffeqarfimmik aallartitseru-sulluni, taava GE-mi inatsisilerituut apeqqutitut akissuteqarnissaminnut piareersimapput, apeqqutit soorlu inatsisitigut suut malinneqassanersut pillugit.

Nakkutilliineq

GE-mi ilaasortat malugisaqarunik, Kalaallit Nunaanni suliffeqarfimmik inatsisitigut piuma-saqaatinik malinninnittunik, soorlu suliffeqarfimmit pilersitsinermut aammalu nalunaaru-teqarnermut tunngasutigut, taava ilaasortaq tikilluaqqusaavoq GE attavigissallugu, suliarlu taakkua ingerlateqqissavaat, soorlu politiit attavigalugit. Taamaasilluni ilaasortaq ataasiak-kaa kisimi nalunaaruteqarsimasutut allaqqassanngimmat, kisiannili GE nalunaaruteqartuu-simasoq.

Suliffeqarfimmik pilersitsinermut inatsisinik paasissutissiineq

GE ataavartumik tusagassiortunit attavigineqartarpoq, sulisitsisut kattuffiinit aammalu suliffeqarfinnit Kalaallit Nunaata avataaniit taakkualu paaserusuttarpaat, inatsisit suut Kalaallit Nunaanni atuunnersut suliffeqarfimmik pilersitsinissamut tunngatillugu. GE-mi inatsisilerituut tamanna annertugaatsiartumik piffissamik atuiffigisarpaat – minnerunn-gitsumik ilaasortat illersorniarlugit, taakkuami suliffeqarfinnik pilersitsereernikummata aammalu inatsisinik malinnillutik.

Nittarsaassilluni-, unammilleqatigiilluni- aammalu pisisinnaanermut inatsit

Inatsisinik malinninneq

Nittarsaassinnginnermi, imaluunniit isumaqatigiissusiortinnani imaluunniit isumaqa-tigiissusiornermi taava ilaasortap GE-mi inatsisilerituuni siunnersorneqarsinnaavoq, nalilersortillugu iliuuseriniakkap inatsisinut atuutereersunut naapertuuttuunersoq paaserusullugu.

Inatsisit nutaat imaluunniit eqqartuussivimmi aaliangerneqarsimasut

Inatsisinik nutaanik takkuttoqartillugu imaluunniit eqqartuussiviup aaliangeriussimasaa nutaaq pisimappat taava GE-mi inatsisilerituut ilaasortanut ilisimatitsissutigissavaat nutaarsiassatigut allanneqartartutigut, angerlaatigaluni ataatsimiinnikkut imaluunniit nittartakkakkut siunnersuinikkut.